

長阿含經



二百五十九
履八

長阿含經卷第十八

續

姚秦三藏法師佛陀耶舍共竺佛念譯

長阿含第四分

世記經閻浮提洲品第一

如是我聞一時佛在舍衛國祇樹給孤獨園
俱利窟中與大比丘衆千二百五十人俱時
衆比丘於食後集講堂上議言諸賢未曾有
也今此天地何由而敗何由而成衆生所居
國土云何今時世尊於閑靜處天耳徹聽聞
諸比丘於食後集講堂上議如此言今時世
尊於靜窟起詣講堂坐知而故問問諸比丘
向者所議議何等事諸比丘白佛言我等食

後集法講堂議言諸賢未曾有也今是天地
何由而敗何由而成衆生所居國土云何我
等集堂議如是事佛告諸比丘言善哉善哉
凡出家者應行二法一賢聖默然二講論法
語汝等集在講堂亦應如此賢聖默然講論
法語諸比丘汝等欲聞如來記天地成敗衆
生所居國邑不耶時諸比丘白佛言唯然世
尊今正是時願樂欲聞世尊說已當奉持之
佛言比丘諦聽諦聽善思念之當爲汝說佛
告諸比丘如一日月周行四天下光明所照
如是千世界千世界中有千日月千須彌山
王四千天下四千大天下四千海水四千大

海四千龍四千大龍四千金翅鳥四千大金翅鳥四千惡道四千大惡道四千王四千大王七千大樹八千大泥犁十千大山千閻羅王千四天王千忉利天王千焰摩天千兜率天千化自在天千他化自在天千梵天是爲小千世界如一小千世界余所小千千世界是爲中千世界如一中千世界余所中千千世界是爲三千大千世界如是世界周匝成敗衆生所居名一佛刹佛告比丘今此大地深十六萬八千由旬其邊無際地止於水水深三千二十由旬其邊無際水止於風風深六千四十由旬其邊無際比丘其大海水深

八萬四千由旬其邊無際滇弥山王入海水
中八萬四千由旬出海水上高八萬四千由
旬下根連地多固地分其山直上無有阿曲
生種種樹樹出衆香香遍山林多諸賢聖大
神妙天之所居止其山下基純有金沙其山
四面有四埵出高七百由旬雜色間廁七寶
所成四埵邪佞曲臨海上須弥山王有七寶
階道其下階道廣六十由旬俠道兩邊有七
重寶牆七重欄楯七重羅網七重行樹金牆
銀門銀牆金門水精牆瑠璃門瑠璃牆水精
門赤珠牆碼碯門碼碯牆赤珠門磔磔牆衆
寶門其欄楯者金欄銀枕銀欄金枕水精欄

瑠璃枕瑠璃欄水精枕赤珠欄碼碯枕碼碯
欄赤珠枕碑礫欄衆寶枕其欄楯上有寶羅
網其金羅網下懸銀鈴其銀羅網下懸金鈴
瑠璃羅網懸水精鈴水精羅網懸瑠璃鈴赤
珠羅網懸碼碯鈴碼碯羅網懸赤珠鈴碑礫
羅網懸衆寶鈴其金樹者金根金枝銀葉華
實其銀樹者銀根銀枝金葉華實其水精樹水
精根枝瑠璃華葉其瑠璃樹瑠璃根枝水精
華葉其赤珠樹赤珠根枝碼碯華葉其碼碯樹
者碼碯根枝赤珠華葉碑礫樹者碑礫根枝
衆寶華葉其七重牆牆有四門門有欄楯七
重牆上皆有樓閣臺觀周而繚繞有園觀浴

池生衆寶華寶樹行列華果繁茂香風四起
悅可人心鳧鴈鴛鴦異類竒鳥無數千種相
和而鳴又須彌山王中級階道廣四十由旬
俠道兩邊有七重寶牆欄楯七重羅網七重
行樹七重乃至無數衆鳥相和而鳴亦如下
階其上級階道廣二十由旬俠道兩邊有七
重寶牆欄楯七重羅網七重行樹七重乃至
無數衆鳥相和而鳴亦如中階佛告比丘其
下階道有鬼神任名曰迦樓羅足其中階道
有鬼神任名曰持鬘其上階道有鬼神任名
曰喜樂其四出埵高四萬二千由旬四天大
王所居宮殿有七重寶城欄楯七重羅網七

重行樹七重寶鈴七重乃至無數衆鳥相和而鳴亦復如是須彌山頂有三十三天宮寶城七重欄楯七重羅網七重行樹七重乃至無數衆鳥相和而鳴亦復如是過三十三天由旬一倍有燄摩天宮過燄摩天宮由旬一倍有兜率天宮過兜率天宮由旬一倍有化自在天宮過化自在天宮由旬一倍有他化自在天宮過他化自在天宮由旬一倍有梵迦夷天宮於他化自在天梵迦夷天中間有魔天宮縱廣六千由旬宮牆七重欄楯七重羅網七重行樹七重乃至無數衆鳥相和而鳴亦復如是過梵迦夷天宮由旬一倍有光

音天宮過光音天由旬一倍有遍淨天宮過
遍淨天由旬一倍有果實天宮過果實天由
旬一倍有無想天宮過無想天由旬一倍有
無造天宮過無造天由旬一倍有無熱天宮
過無熱天由旬一倍有善見天宮過善見天
由旬一倍有大善見天宮過大善見天由旬

一倍有色究竟天宮過色究竟天上有空處
智天識處智天無所有處智天有想無想處
智天齊此名衆生邊際衆生世界一切衆生
生老病死受陰受有齊此不過佛告比丘須
彌山北有天下名鬱單曰其土正方縱廣一
萬由旬人面亦方像彼地形須彌山東有天

下名弗于逮其土正圓縱廣九千由旬人面
亦圓像彼地形須弥山西有天下名俱耶尼
其土形如半月縱廣八千由旬人面亦尔像
彼地形須弥山南有天下名閻浮提其土南
狹北廣縱廣七千由旬人面亦尔像此地形
須弥山北面天金所成光照北方須弥山東
面天銀所成光照東方須弥山西面天水精
所成光照西方須弥山南面天瑠璃所成光
照南方鬱單曰有大樹王名菴婆羅圍七由
旬高百由旬枝葉四布五十由旬弗于逮有
大樹王名伽藍浮圍七由旬高百由旬枝葉
四布五十由旬俱耶尼有大樹王名曰斤提

圍七由旬高百由旬枝葉四布五十由旬又
其樹上有石牛幢高一由旬閻浮提有大樹
王名曰閻浮圍七由旬高百由旬枝葉四布
五十由旬金翅鳥王及龍王樹名俱利睒婆
羅圍七由旬高百由旬枝葉四布五十由旬
阿脩羅王有樹名善書圍七由旬高百由旬
枝葉四布五十由旬忉利天有樹名曰晝度
圍七由旬高百由旬枝葉四布五十由旬須
彌山邊有山名伽羅羅高四萬二千由旬縱
廣四萬二千由旬其邊廣遠雜色間廁七寶
所成其山去須彌山八萬四千由旬其間純
生優鉢羅華鉢頭摩華俱物頭華分陀利華

蘆葦松竹叢生其中出種種香香氣充遍去
佉羅羅山不遠有山名伊沙陀羅高二萬一
千由旬縱廣二萬一千由旬其邊廣遠雜色
間廁七寶所成去佉羅山四萬二千由旬
其間純生優鉢羅華鉢頭摩華俱物頭花分
陀利華蘆葦松竹叢生其中出種種香香氣
充遍去伊沙陀羅山不遠有山名樹臣陀羅
高萬二千由旬縱廣萬二千由旬其邊廣遠
雜色間廁七寶所成去伊沙陀羅山二萬一
千由旬其間純生四種雜華蘆葦松竹叢生
其中出種種香香氣充遍去樹臣陀羅山不
遠有山名善見高六千由旬縱廣六千由旬

其邊廣遠雜色間廁七寶所成去樹臣陀羅
山萬二千由旬其間純生四種雜華蘆葦松
竹叢生其中出種種香香氣充遍去善見山
不遠有山名馬食山高三千由旬縱廣三千
由旬其邊廣遠雜色間廁七寶所成去善見
山六千由旬其間純生四種雜華蘆葦松竹
叢生其中出種種香香氣充遍去馬食山不
遠有山名尼民陀羅高千二百由旬縱廣千
二百由旬其邊廣遠雜色間廁七寶所成去
馬食山三千由旬其間純生四種雜華蘆葦
松竹叢生其中出種種香香氣充遍去尼民
陀羅山不遠有山名調伏高六百由旬縱廣

六百由旬其邊廣遠雜色間廁七寶所成去
尼民陁羅山千二百由旬其間純生四種雜
華蘆葦松竹叢生其中出種種香香氣充遍
去調伏山不遠有山名金剛圍高三百由旬
縱廣三百由旬其邊廣遠雜色間廁七寶所
成去調伏山六百由旬其間純生四種雜華
蘆葦松竹叢生其中出種種香香氣充遍去
大金山不遠有大海水海水北岸有大樹
王名曰閻浮圍七由旬高百由旬枝葉四布
五十由旬其邊空地復有叢林名菴婆羅縱
廣五十由旬復有叢林名曰閻婆縱廣五十
由旬復有叢林名曰娑羅縱廣五十由旬復

有叢林名曰多羅縱廣五十由旬復有叢林
名曰那多羅縱廣五十由旬復有叢林名曰
為男縱廣五十由旬復有叢林名曰為女縱
廣五十由旬復有叢林名曰男女縱廣五十
由旬復有叢林名曰散那縱廣五十由旬復
有叢林名曰旃檀縱廣五十由旬復有叢林
名曰佉訓羅縱廣五十由旬復有叢林名曰
波捺婆羅縱廣五十由旬復有叢林名曰毗
羅縱廣五十由旬復有叢林名曰香捺縱廣
五十由旬復有叢林名曰為捺縱廣五十由
旬復有叢林名曰安石榴縱廣五十由旬復
有叢林名曰為甘縱廣五十由旬復有叢林

名呵梨勒縱廣五十由旬復有叢林名毗藍
勒縱廣五十由旬復有叢林名阿摩勒縱廣
五十由旬復有叢林名阿摩梨縱廣五十由
旬復有叢林名捺縱廣五十由旬復有叢林
名甘蔗縱廣五十由旬復有叢林名葦縱廣
五十由旬復有叢林名竹縱廣五十由旬復
有叢林名舍羅縱廣五十由旬復有叢林名
舍羅菜縱廣五十由旬復有叢林名木瓜縱
廣五十由旬復有叢林名大木瓜縱廣五十
由旬復有叢林名解脫華縱廣五十由旬復
有叢林名瞻婆縱廣五十由旬復有叢林名
波婆羅羅縱廣五十由旬復有叢林名修摩

那縱廣五十由旬復有叢林名波師縱廣五十由旬復有叢林名多羅梨縱廣五十由旬復有叢林名伽耶縱廣五十由旬復有叢林名菟桃縱廣五十由旬過是地空其空地中復有華池縱廣五十由旬復有鉢頭摩池俱物頭池分陲利池毒地滿中各縱廣五十由旬過是地空其空地中有大海水名鬱禪那此水下有轉輪聖王道廣十二由旬俠道兩邊有七重牆七重欄楯七重羅網七重行樹周帀交飾以七寶成閻浮提地轉輪聖王出于世時水自然去其道平現去海不遠有山名鬱禪其山端巖樹木繁茂華果熾盛衆香

芬馥異類禽獸靡所不有去鬱禪山不遠有
山名金壁中有八萬巖窟八萬象王止此窟
中其身純白頭有雜色口有六牙齒間金填
過金壁山已有山名雪山縱廣五百由旬深
五百由旬東西入海雪山中間有寶山高二
十由旬雪山埒出高百由旬其山頂上有阿
耨達池縱廣五十由旬其水清冷澄清無穢
七寶砌壘七重欄楯七重羅網七重行樹種
種異色七寶合成其欄楯者金欄銀枕銀欄
金枕瑠璃欄水精枕水精欄瑠璃枕赤珠欄
碼碯枕碼碯欄赤珠枕碑磔欄衆寶爲枕金
網銀鈴銀網金鈴瑠璃網水精鈴水精網瑠

璃鈴碑磔綱七寶為鈴金多羅樹金根金枝
銀菜銀果銀多羅樹銀根銀枝金菜金果水
精樹水精根枝瑠璃華果赤珠樹赤珠根枝
碼碯華果碑磔樹碑磔根枝眾寶華果阿耨
達池側皆有園觀浴池眾華積聚種種樹菜
華果繁茂種種香風芬馥四布種種異類諸
鳥哀鳴相和阿耨達池底金沙充滿其池四
邊皆有梯陛金枕銀陛銀枕金陛瑠璃枕水
精陛水精枕瑠璃陛赤珠枕碼碯陛碼碯枕
赤珠陛碑磔枕眾寶陛遶池周而皆有欄楯
生四種華青黃赤白雜色叅間華如車輪根
如車聲華根出汁色白如乳味甘如蜜阿耨

達池東有恒伽河從牛口出從五百河入于
東海阿耨達池南有新頭河從師子口出從
五百河入于南海阿耨達池西有婆叉河從
馬口出從五百河入于西海阿耨達池北有
斯陁河從象口中出從五百河入于北海阿
耨達宮中有五柱堂阿耨達龍王恒於中止
佛言何故名爲阿耨達阿耨達其義云何此
閻浮提所有龍王盡有三患唯阿耨達龍無
有三患云何爲三一者舉閻浮提所有諸龍
皆被熱風熱砂著身燒其皮肉及燒骨髓以
爲苦惱唯阿耨達龍無有此患二者舉閻浮
提所有龍宮惡風暴起吹其宮內失寶飾衣

龍身自現以爲苦惱唯阿耨達龍王無如此
患三者舉閻浮提所有龍王各在宮中相娛
樂時金翅大鳥入宮博撮或始生方便欲取
龍食諸龍怖懼常懷熱惱唯阿耨達龍無如
此患若金翅鳥生念欲往即便命終故名阿
耨達阿耨達秦言無惱熱佛告比丘雪山山右
面有城名毗舍離其城北有七黑山七黑山
北有香山其山常有歌儻倡伎音樂之聲山
有二窟一名爲晝二名善晝天七寶成柔軟
香潔猶如天衣妙音軋沓婆娑王從五百軋沓
婆在其中止善晝窟北有娑羅樹王名曰善
任有八千樹王圍遶四面善任樹王下有象

王亦名善任止此樹下身體純白七處平住
力能飛行其頭赤色雜色毛間六牙纖腩金
爲間填有八千象圍遶隨從其八千樹王下
八千象亦復如是善任樹王北有大浴池名
摩陀延縱廣五十由旬有八千浴池周而圍
遶其水清涼無有塵穢以七寶塹周而砌壘
遶池有七重欄楯七重羅網七重行樹皆七
寶成金欄銀枕銀欄金枕水精欄瑠璃枕瑠
璃欄水精枕赤珠欄碼碯枕碼碯欄赤珠枕
碑礫欄衆寶枕其金羅網下垂銀鈴其銀羅
網下垂金鈴水精羅網垂瑠璃鈴瑠璃羅網
垂水精鈴赤珠羅網垂碼碯鈴碼碯羅網垂

赤珠鈴碑磔羅網垂衆寶鈴其金樹者金根
金枝銀葉華實其銀樹者銀根銀枝金葉華
實水精樹者水精根枝瑠璃華實瑠璃樹者
瑠璃根枝水精華實赤珠樹者赤珠根枝碼
碯華實碼碯樹者碼碯根枝赤珠華實碑磔
樹者碑磔根枝衆寶華實又其池底金砂布
散遶池周帀有七寶階道金陛銀蹬銀陛金
蹬水精陛瑠璃蹬瑠璃陛水精蹬赤珠陛碼
碯蹬碼碯陛赤珠蹬碑磔陛衆寶蹬俠陛兩
邊有寶欄楯又其池中生四種華青黃赤白
衆色叅間華如車輪根如車聲華根出汁色
白如乳味甘如蜜遶池四面有衆園觀叢林

浴池生種種華樹木清涼華果豐茂無數衆
鳥相和而鳴亦復如是善住象王念欲遊戲
入池浴時即念八千象王時八千象王復自
念言善住象王今以念我我等宜往至象王
所於是衆象即往前立時善住象王從八千家
至摩陀延池其諸象中有爲王持蓋者有執

寶扇象王者中有作倡伎樂前導從者時
善住象王入池洗浴作倡伎樂共相娛樂或
有象爲王洗鼻者或有洗口洗頭洗牙洗耳
洗腹洗背洗尾洗足者中有拔華根洗之與
王食者中有取四種華散王上者尔時善住
象王洗浴飲食相娛樂已即出岸上向善住

樹立其八千象然後各自入池洗浴飲食共相娛樂訖已還出至象王所時象王從八千象前後導從至善任樹王所中有持蓋覆象王者有執寶扇扇象王者中有作倡伎樂在前導者時善任象王詣樹王已坐卧行步隨意所遊餘八千象各自在樹下坐卧行步隨意所遊其樹林中有圍八尋者有圍九尋十尋至十五尋者唯善任象王娑羅樹王圍十六尋其八千娑羅樹枝葉墮落時清風遠吹置於林外又八千象大小便時諸夜叉鬼除之林外佛告比丘善任象王有大神力功德如是雖爲畜生受福如是

鬱單曰品第二

佛告比丘鬱單曰天下多有諸山其彼山側
有諸園觀浴池生衆雜華樹木清涼華果豐
茂無數衆鳥相和而鳴又其山中多衆流水
其水洋順無有卒暴衆華覆上汎汎徐流俠
岸兩邊多衆樹木枝條柔弱華果繁熾地生
軟草槃縈右旋色如孔雀香如婆師軟若天
衣其地柔軟以足蹈地地凹四寸舉足還復
地平如掌無有高下比丘彼鬱單曰土四面
有四阿耨達池各縱廣百由旬其水澄清無
有垢穢以七寶塹廁砌其邊乃至無數衆鳥
相和悲鳴與摩陀延池嚴飾無異彼四大池

各出四大河廣十由旬其水洋順無有卒暴
衆華覆上汎汎徐流俠岸兩邊多衆樹木枝
條柔弱華果繁熾地生軟草槃縈右旋色如
孔翠香猶婆師軟若天衣其地柔軟以足蹈
地地凹四寸舉足還復地平如掌無有高下
又彼土地無有溝澗坑坎荆棘株杻亦無蚊
虻蚘蚘蜂蝎虎狼惡獸地純衆寶無有石砂
陰陽調柔四氣和順不寒不熱無衆惱患其
地潤澤塵穢不起如油塗地無有遊塵百草
常生無有冬夏樹木繁茂華果熾盛地生軟
草槃縈右旋色如孔翠香猶婆師軟若天衣
其地柔軟以足蹈地地凹四寸舉足還復地

平如掌無有高下其土常有自然粳米不種
自生無有糠糲如白華叢猶忉利天食衆物
具足其土常有自然釜鑊有摩尼珠名曰燄
光置於鑊下飯熟光滅不假樵火不勞人功
其土有樹名曰曲躬菜菜相次天雨不漏彼
諸男女止宿其下復有香樹高七十里華果
繁茂其果熟時皮齜自裂自然香出其樹或
高六十里或五十四極小高五里皆華果
繁茂其果熟時皮齜自裂自然香出復有衣
樹高七十里華果繁茂其果熟時皮齜自裂
出種種衣其樹或高六十里五十四極小
高五里皆華果繁茂出種種衣復有莊嚴樹

高七十里華果繁茂其果熟時皮齧自裂出
種種嚴身之具其樹或高六十里五十四十
里極小高五里皆華果繁茂出種種嚴身之
具復有華鬘樹高七十里華果繁茂其果熟
時皮齧自裂出種種鬘樹或高六十里五十
四十里極小高五里亦皆華果繁茂出種種
鬘復有器樹高七十里華果繁茂其果熟時
皮齧自裂出種種器其樹或高六十里五十
四十極小高五里皆華果繁茂出種種器復
有果樹高七十里華果繁茂其果熟時皮齧
自裂出種種果樹或高六十里五十四十極
小高五里皆華果繁茂出種種果復有樂器

樹高七十里華果繁茂其果熟時皮齧自裂
出種種樂器其樹或高六十里五十四十極
小高五里皆華果繁茂出種種樂器其土有
池名曰善見縱廣百由旬其水清澄無有垢
穢以七寶塹廁砌其邊遶池四面有七重欄
楯七重羅網七重行樹乃至無數衆鳥相和
而鳴亦復如是其善見池北有樹名菴婆羅
周圍七里上高百里枝葉四布遍五十里其
善見池東出善道河廣一由旬其水徐流無
有涸復種種雜華覆蔽水上俠岸兩邊樹木
繁茂枝條柔弱華果熾盛地生軟草槃縈右
旋色如孔雀香如婆師軟若天衣其地柔軟

足蹈地時地凹四寸舉足還復地平如掌亦
無有高下又其河中有衆寶船彼方人民欲
入中洗浴遊戲時脫衣岸上乘船中流遊戲
娛樂訖已渡水遇衣便著先出先著後出後
著不求本衣次至香樹樹為曲躬其人手取
種種雜香以自塗身次到衣樹樹為曲躬其
人手取種種雜衣隨意所著次到莊嚴樹樹
為曲躬其人手取種種莊嚴以自嚴飾次到
鬘樹樹為曲躬其人手取種種雜鬘以著頭
上次到器樹樹為曲躬其人手取種種寶器
取寶器已次到果樹樹為曲躬其人手取種
種美果或噉食者或口含者或漉汁飲者次到

塗地遊塵不起百草常生無有冬夏樹木繁
茂華果熾盛地生軟草槃縈右旋色如孔翠
香如婆師軟若天衣其地柔軟足蹈地時地
凹四寸舉足還復其園常生自然粳米無有
糠粃如白華叢衆味具足如忉利天食其園
常有自然釜鑊有摩尼珠名曰談光置於鑊
下飯熟光滅不假樵火不勞人功其園有樹
名曰曲躬菜菜相次天雨不漏彼諸男女止
宿其下復有香樹高七十里華果繁茂其果
熟時皮聲自裂出種種香樹有高六十里五
十四十至高五里華果繁茂出種種香乃至樂
器樹亦復如是其土人民至彼園中遊戲娛

樂一日二日至于七日其善見園無人守護
隨意遊戲然後復去善見池南有園林名大
善見善見池西有園林名曰娛樂善見池北
有園林名曰等華亦復如是其土中夜後夜
阿耨達龍王數數隨時起清淨雲周遍世界
而降甘雨如擊牛頰以八味水澗澤普洽水
不留停地無泥淖猶如髮師以水灑華使不
萎茹潤澤鮮明時彼土於中夜後無有雲翳
空中清明海出涼風清淨柔和微吹人身舉
體快樂其土豐饒人民熾盛設須食時以自
然粳米著於釜中以燄光珠置於釜下飯自
然熟珠光自滅諸有來者自恣食之其主不

起飯終不盡若其主起飯則盡餽其飯鮮潔
如白華叢其味具足如切利天食彼食此飯
無有衆病氣力充足顏色和悅無有衰耗又
其土人身體相類顏貌同等不可分別其貌
少壯如閻浮提二十許人其人口齒平正潔
白密緻無間髮紺青色無有痿落髮垂八指
齊肩而止不長不短若其土人民起欲心時
則熟視女人而捨之去彼女隨後往詣園林
若彼女人是彼男子父親母親骨肉中表不
應行欲者樹不曲蔭各自散去若非父親母
親骨肉中表應行欲者樹則曲躬迴蔭其身
隨意娛樂一日二日或至七日尔乃散去彼

人懷妊七日八日便產隨生男女置於四衢
大交道頭捨之而去諸有行人經過其邊出
指令啖指出甘乳充適兒身過七日已其兒
成長與彼人等男向男衆女向女衆彼人命
終不相哭泣莊嚴死屍置四衢道捨之而去
有鳥名憂慰禪伽接彼死屍置於他方又其
土人大小便時地即為開便利訖已地還自
合其土人民無所繫戀亦無畜積壽命常定
死盡生天彼人何故壽命常定其人前世修
十善行身壞命終生鬱單曰壽命千歲不增
不減是故彼人壽命正等復次殺生者墮惡
趣不殺者生善趣如是竊盜邪淫兩舌惡口

妄言綺語貪取嫉妬邪見者墮惡趣中不盜
不姪不兩舌惡口妄言綺語不貪取嫉妬邪
見者則生善趣若有不殺不盜不姪不兩舌
惡口妄言綺語不貪取嫉妬邪見身壞命終
生鬱單曰壽命千歲不增不減是故彼人壽
命正等復次慳怯貪取不能施惠死墮惡道
開心不怯能為施惠者則生善處有人施沙
門婆羅門及施貧窮乞兒瘡病困苦者給其
衣服飲食乘輦華鬘塗香牀榻房舍又造立
塔廟燈燭供養其人身壞命終生鬱單曰壽
命千歲不增不減是故彼人壽命正等何故
稱鬱單曰人為勝其土人民不受十善舉動

自然與十善合身壞命終生天善處是故彼
人得稱為勝鬱單曰鬱單曰者其義云何於
三天下其土最上最勝故名鬱單曰

曰秦言
最上

佛說長阿含第四分

世記經轉輪聖王品第三

佛告比丘世間有轉輪聖王成就七寶有四
神德云何轉輪聖王成就七寶一金輪寶二
白象寶三紺馬寶四神珠寶五玉女寶六居
士寶七主兵寶云何轉輪聖王金輪寶成就
若轉輪聖王出閻浮提地利利水澆頭種以
十五日月滿時沐浴香湯上高殿上與姝女

衆共相娛樂天金輪寶忽現在前輪有千輻
光色具足天金所成天匠所造非世所有輪
徑丈四轉輪聖王見已默自念言我曾從先
宿諸舊聞如是語若刹利王水澆頭種以十
五日月滿時沐浴香湯昇法殿上嫫女圍遶
自然金輪忽現在前輪有千輻光色具足天
匠所造非世所有輪徑丈四是則名爲轉輪
聖王今此輪現將無是耶今我寧可試此輪
寶時轉輪王即召四兵向金輪寶偏露右臂
右肱著地以右手摩捫金輪語言汝向東方
如法而轉勿違常則輪即東轉時轉輪王即
將四兵隨其後行金輪寶前有四神導輪所

住處王即止駕。尔時東方諸小國王見大王
至以金鉢盛銀粟，銀鉢盛金粟來詣王所拜
首，白言善哉。大王今此東方土地豐樂多諸
珍寶，人民熾盛，志性仁和，慈孝忠順，唯願聖
王於此治政。我等當給使左右，承受所當時
轉輪王語。小王言止止，諸賢汝等則為供養
我已。但當以正法治化，勿使偏枉。無令國內
有非法行，自不殺生，教人不殺生，偷盜邪淫，
兩舌惡口，妄言綺語，貪取嫉妬邪見之人。此
即名曰我之所治。時諸小王聞是教已，即從
大王巡行諸國，至東海表，次行南方、西方、北
方，隨輪所至。其諸國王各獻國土，亦如東方。

諸小王比此閻浮地所有名曰土地沃野豐多
出珍寶林水清淨平曠之處輪則周行封畫
圖度東西十二由旬南北七由旬天神於中
夜造城郭其城七重七重欄楯七重羅網七
重行樹周帀交飾七寶所成乃至無數衆鳥
相和而鳴造此城邑金輪寶復於其城中圖
度封地東西四由旬南北二由旬天神於中
夜造宮殿宮牆七重七寶所成乃至無數衆
鳥相和而鳴亦復如是造宮殿已時金輪寶
在宮殿上虛空中住完具而不動轉轉輪聖
王踊躍而言此金輪寶真爲我瑞我今真爲
轉輪聖王是爲金輪寶成就云何白象寶成

就轉輪聖王清旦於正殿上坐自然象寶忽
現在前其毛純白七處平任力能飛行其首
雜色六牙纖脯真金間填時王見已念言此
象賢良若善調者可中御乘即試調習諸能
悉備時轉輪王欲自試象即乘其上清旦出
城周行四海食時已還時轉輪王踊躍而言
此白象寶真為我瑞我今真為轉輪聖王是
為象寶成就云何轉輪聖王紺馬寶成就時
轉輪聖王清旦在正殿上坐自然馬寶忽現
在前紺青色珠毛尾頭頸如象力能飛行時
王見已念言此馬賢良若善調者可中御乘
即試調習諸能悉備時轉輪聖王欲自試馬

寶即乘其上清旦出城周行四海食時已還
時轉輪王踊躍而言此紺馬寶真為我瑞我
今直為轉輪聖王是為紺馬寶成就云何神
珠寶成就時轉輪聖王於清旦在正殿上坐
自然神珠忽現在前質色清徹無有瑕穢時
王見已言此珠妙好若有光明可照宮內時
轉輪王欲試此珠即召四兵以此寶珠置高
幢上於夜冥中齋幢出城其珠光明照一由
旬現城中人皆起作務謂為是晝轉輪聖王
踊躍而言今此神珠真為我瑞我今直為轉
輪聖王是為神珠寶成就云何玉女寶成就
時王玉女寶忽然出現顏色從容面貌端正

不長不短不麤不細不白不黑不剛不柔冬
則身焜夏則身涼舉身毛孔出旃檀香口出
優鉢羅華香言語柔軟舉動安詳先起後坐
不失宜則時轉輪聖王見已無著心不暫念
況復親近時轉輪聖王見已踊躍而言此玉女
寶直為我瑞我今真為轉輪聖王是為玉女

長正合七經卷第十一

三十四

寶成就云何居士寶成就時居士丈夫忽然
自出寶藏自然財富無量居士宿福眼能徹
視地中伏藏有主無主皆悉見知其有主者
能為擁護其無主者取給王用時居士寶往
白王言大王有所給與不足為憂我自能辦
時轉輪聖王欲試居士寶即勅嚴舩於水遊

戲告居士曰我須金寶汝速與我居士報曰
大王小待須至岸上王尋逼言我今須用正
介得來時居士寶被王嚴勅即於舡上長跪
以右手內著水中水中寶瓶隨手而出如垂
公樹彼居士寶亦復如是內手水中寶公手
出充滿舡上而白王言向須寶用爲須幾許
時轉輪聖王見語居士言止止吾無所須向
相試耳汝今便爲供養我已時居士聞王語
已尋以寶物還投水中時轉輪聖王踊躍而
言此居士寶真爲我瑞我今真爲轉輪聖王
是爲居士寶成就云何主兵寶成就時主兵
寶忽然出現智謀雄猛英略獨決即詣王所

白言大王有所討罰不足為憂我自能辦時
轉輪聖王欲試主兵寶即集四兵而告之曰
汝今用兵未集者集以集者放未嚴者嚴已
嚴者解未去者去已去者任時主兵寶聞王
語已即令四兵未集者集已集者放未嚴者
嚴已嚴者解未去者去已去者任時轉輪聖
王見已踊躍而言此主兵寶真為我瑞我今
真為轉輪聖王是為轉輪聖王七寶成就何
謂四神德一者長壽不夭無能及者二者身
彊無患無能及者三者顏貌端正無能及者
四者寶藏盈溢無能及者是為轉輪聖王成
就七寶及四功德時轉輪聖王久乃命駕出

遊後園尋告御者汝當善御而行所以然者
吾欲諦觀國土人民安樂無患時國人民路
次觀者復語侍人汝且徐行吾欲諦觀聖王
威顏時轉輪聖王慈育民物如父愛子國民
慕王如子仰父所有珍竒盡以貢王願垂納
受在意所與時王報曰且止諸人吾自有寶
汝可自用轉輪聖王治此閭浮提時其地平
正無有荆棘坑坎埠阜亦無蚊虻蜂蝎蠅蚤
虻蚘惡虫石砂瓦礫自然沉沒金銀寶玉現
於地上四時和調不寒不熱其地柔軟無有
塵穢如油塗地潔淨光澤無有塵穢轉輪聖
王治於世時地亦如是地出流泉清淨無竭

生柔軟草冬夏常青樹木繁茂華果熾盛地
生軟草色如孔雀翠香若娑師軟如天衣足踏
地時地凹四寸舉足還復無空缺處自然粳
米無有糠糲衆味具足時有香樹華果茂盛
其果熟時果自然裂出自然香香氣馥熏復
有衣樹華果茂盛其果熟時皮殼自裂出種
種衣復有疰嚴樹華果熾盛其果熟時皮殼
自裂出種種疰嚴具復有鬚樹華果茂盛其
果熟時皮殼自裂出種種鬚復有器樹華果
茂盛其果熟時皮殼自裂出種種器復有果
樹華果茂盛其果熟時皮殼自裂出種種果
復有樂器樹華果茂盛其果熟時皮殼自裂

出衆樂器轉輪聖王治於世時阿耨達龍王
於中夜後起大密雲彌滿世界而降大雨如
犖牛頭雨八味水潤澤周普地無停水亦無
涘淖潤澤沾洽生長草木猶如鬘師水灑華
鬘使華鮮澤今不萎枯時雨潤澤亦復如是
又時於中夜後空中清明淨無雲翳海出涼

風清淨調柔觸身生樂聖王治時此閻浮提
五穀豐賤人民熾盛財寶豐饒無所匱乏當
時轉輪聖王以正治國無有阿枉修十善行
亦時諸人民亦修正見具十善行其王久久
身生重患而取命終時猶如樂人食如小過
身小不適而便命終生梵天上時玉女寶居

士寶圭兵寶及國土民作倡伎樂塋聖王身
其王玉女寶居士寶主兵寶國內士民以香
湯洗沐王身以劫貝纏五百張疊次如纏之
捧舉王身置金棺裏以香油灌置鐵槨裏復
以木槨重衣其外積衆香薪重衣其上而闔
維之於四衢道頭起七寶塔縱廣一由旬雜
色參間以七寶成其塔四面各有一門周而
欄楯以七寶成其塔四面空地縱廣五由旬
園牆七重七重欄楯七重羅網七重行樹金
牆銀門銀牆金門瑠璃牆水精門水精牆瑠
璃門赤珠牆碼碯門碼碯牆赤珠門碑磔牆
衆寶門其欄楯者金欄銀枕銀欄金枕水精

欄瑠璃枕瑠璃欄水精枕赤珠欄碼碼枕碼
碼欄赤珠枕碑碼欄衆寶枕其金為羅網下
懸銀鈴銀羅網下懸金鈴瑠璃羅網懸水精
鈴水精羅網懸瑠璃鈴赤珠羅網懸碼碼鈴
碼碼羅網懸赤珠鈴碑碼羅網懸衆寶鈴其
金樹者銀菜華實其銀樹者金菜華實其瑠
璃樹水精華菜水精樹瑠璃華菜赤珠樹者
碼碼華菜碼碼樹赤珠華菜碑碼樹衆寶華
菜其四園牆復有四門周而欄楯又其牆上
皆有樓閣寶臺其牆四面有樹木園林流泉
浴池生種種華樹木繁茂華果熾盛衆香芬
馥異鳥哀鳴其塔成已玉女寶居士寶典兵

寶舉國士民皆來供養此塔施諸窮乏須食
與食須衣與衣象馬寶乘給眾所須隨意所
與轉輪聖王威神功德其事如是

長阿含經卷第十八

履

金翅

智下施反

垂

丁果反

間廁

使上去

聲下初

俠

正作

攔楯

下時反

椶

音光繞

繚

上音遶

下繫

茂

下莫反

鷹

上音扶

相和

去聲

縱

足容反

狹

侯夾反

睽婆

蘆葦

下雨反

佉

訓

下舊音

竹由

捺

奴代反

石榴

留

醯勒

上呼反

甘柘

下之夜反

芬馥

上芳文反

禽

狩

作

正獸梯

上他下

穀聲

二博撮

下活反

唱

七倡

妓

上音渠

下

軋

下唐反

織脯

下丑恭反

壑

七

反 砌壘 上七 水細 反 登 非 去 聲 洋 音 沉 梵 芳

反 槃 營 紆 旋 似 宣 反 凹 烏 夾 反 又 溝 澗

上 反 坑 坎 感 反 苦 株 朽 骨 反 吾 蚊 虻 上 音 庚 反 文 下 蚺

地 一 音 元 反 蜂 蠍 許 謁 反 峯 下 粳 更 音 糠 糲 上 音

苦 會 釜 鑊 郭 反 父 下 樵 反 自 搖 齧 殼 反 二 同 口 角

灑 鹿 調 絃 緊 音 陵 阜 婦 音 蠅 虱 俗 擊 頃 古 上

猴 反 下 洽 疾 夾 停 音 泥 夷 下 正 作 淖 葵 茹 上

為 反 下 音 汝 盡 賜 音 緻 直 利 痿 下 烏 為 反 逕

過 經 音 嗽 朔 音 乘 舉 二 音 預 牀 檣 正 下 音 榻 紺 暗 古

反 輻 福 音 徑 反 古 定 摩 捫 下 音 浞 野 篤 上 烏 反 完 兒 同

戶 官 瑕 穢 家 上 戶 反 齋 反 子 芳 縱 反 七 容 身 焜 下 正 溫 以

綠 音 反 於 小 彊 強 音 埠 阜 下 音 蠅 蚤 同 上 下 音 蠅

早
價
求
反
云
先

位

莖
莖

二
同

浪

榔
重

郭

重
衣

下
聲

去
閣



